



Broj: 01-166 /11
Vareš, 27.09. 2011. godine

Z A P I S N I K
s 30. sjednice Općinskog vijeća Vareš,
održane 30.06. i 28.07. 2011. godine

Josip Malbašić – predsjedavajući Općinskog vijeća Vareš, otvorio je 30. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, , Ivan Lučić, Josip Malbašić, Željko Matić, Mario Mirčić, Majda Muftić, Elvir Rožajac, Jasmin Salketić, Dragan Sekulić, Nikola Šimić.

Odsutni: Ešref Likić, Mato Pavić, Jelena Kuhač Odenwald i Jelena Zlobec.

Pored vijećnika sjednici prisustvuju: Općinski načelnik Hamdo Fatić, sekretar Općinskog vijeća Leon Pavlović, pomoćnici općinskog načelnika, predsjednici političkih stranaka, direktor JP Veterinarska stanica d.o.o. Vareš Suljo Abadžija, direktorica JU Opća biblioteka Vareš Jasmina Šijak, direktor JU Centar za kulturu i edukaciju Vareš Sead Parić, u svojstvu gosta predsjedavajući OV Breza Vinko Pandža i sekretar OV Breza Safet Zahirović i predstavnik OSCE-a Terenski ured Zenica Nihad Gavranović.

Sekretar Općinskog vijeća izvijestio je Vijeće o realizaciji Zaključaka s 29. sjednice OV održane 31.05.2011. godine i dostavljenim odgovorima na vijećnička pitanja. Općinsko vijeće na 29. sjednici donijelo je 9 Zaključaka. Od tog broja 4 Zaključka su realizovana, 5 Zaključaka je u toku realizacije iz objektivnih razloga radi postizanja dogovora i iznalaženja finansijskih mogućnosti. Na 29. sjednici OV postavljena su 2 vijećnička pitanja na koja je nadležna služba u pisanoj formi dostavila odgovor podnosiocu pitanja.

Općinski načelnik Hamdo Fatić u okviru aktuelne problematike na području općine Vareš, podsjetio je Vijeće da je vremenska nepogoda (kiša i grad) koja se desila nedavno, prčinila štete u općini Vareš, a najviše u MZ Ravne. Upoznao je Vijeće da je općinska Komisija bila na terenu i snimila činjenično stanje o prčinjenoj šteti, zapisnik Komisije je u toku izrade. Upoznao je vijeće o slučaju napada pasa lutilica na ovce u MZ Dabravine (sedam ovaca psi lutilice su zaklali). Općinski načelnik vlasnicima ovaca je sugerisao da se obrate Sudu, napominjući da ima nejasnih zakonskih odredbi i iz tih razloga nije uzeo obavezu da razgovara o nastaloj šteti. O daljim radnjama u vezi ovog slučaja čekat će se očitovanje Suda. Izvijestio je da u međuvremenu nisu uplaćene naknade vijećnicima za rad na sjednicama OV, jer je finansijska situacija loša i da će nastojati u skorije vrijeme to riješiti. Podsjetio je Vijeće da je u toku rekonstrukcija tunela, poziv po Zakonu o javnim nabavkama je u toku i za mjesec dana bi trebali početi radovi na sanaciji tunela. Napomenuo je da ako neko od vijećnika ima nešto aktualno ili hitno o čemu bi se trebalo raspravljati, da se o tome raspravlja pod tačkom Tekuća pitanja.

Elvir Rožajac

1. Šta se poduzima u gradu, vezano za otuđivanje metalnih poklopaca sa šahtova na cesti u gradu?
2. U ime mještana MZ Ravne, a vezano za nedavno nevrijeme koje je pričinio materijalne štete postavio je pitanje – Zašto se nisu svi domaćini MZ Ravne organizovano skupili, razgovarali o rješavanju nastalog problema, nego su se obilazili samo pojedini domaćini?

Tajiba Brkić

3. Kada će se početi sa sanacijom lokalnih puteva?
4. Zašto pojedine firme ne uplaćuju penziono i zdravstveno osiguranje, ljudi se žale jer im je ugroženo liječenje? Traži da se nešto po tom pitanju riješi.

Ismet Abdulahović

5. Traži od Općinskog načelnika da se riješi problem greblja u MZ Dabravine, jer je to trebalo da bude u realizaciji još prije dva mjeseca?
6. Šta bi se desilo da nastradaju djeca od strane pasa lotalica? Napominje da u MZ Dabravine ima oko trideset pasa lotalica i da je to ozbiljan problem koji se mora riješiti?

Džemo Kevrić

7. Kada će se krenuti sa realizacijom saniranja lokalnih puteva, jer poslije zimskog održavanja, posipni materijal koji se nalazi na cestama ugrožava sigurnost prometa?

Predsjedavajući OV stavio je na raspravu zapisnik sa 29. sjednice OV .

Nije bilo primjedbi i predsjedavajući OV stavio je na izjašnjanje zapisnik sa 29. sjednice OV i nakon izjašnjanja vijećnika konstatovao da je **zapisnik sa 29. sjednice OV jednoglasno usvojen.**

Na raspravu je stavljen prijedlog dnevnog reda iz poziva za 30. sjednicu OV.

Općinski načelnik Hamdo Fatić predložio je dopunu dnevnog reda za 30. sjednicu OV sa tačkom 1. Prijedlog Odluke o dopuni Odluke o stavljanju van snage Odluke o osnivanju Zajedničkog općinskog pravobranilaštva. Vijeće je upoznao da je zbog hitnosti u vezi registracije Općinskog pravobranilaštva kod Poreske uprave ova Odluka potrebna, o čemu je dao i kratko obrazloženje.

Nije bilo rasprave o predloženom prijedlogu Općinskog načelnika i predsjedavajući OV stavio je na izjašnjanje predloženi prijedlog za dopunu dnevnog reda.

Nakon izjašnjanja vijećnika, predsjedavajući OV je konstatovao da je prijedlog za dopunu dnevnog reda sa tačkom 1. Prijedlog Odluke o dopuni Odluke o stavljanju van snage Odluke o osnivanju Zajedničkog općinskog pravobranilaštva **jednoglasno usvojen.**

Vijećnik Džemo Kevrić napominje da postoji potreba, a na traženje mještana i MZ Dabravine, u skladu sa članom 78. stav 2. Poslovnika o radu Općinskog vijeća, predložio dopunu dnevnog reda sa tačkom 2. Odluka o poništavanju Odluke broj: 01-217/09 od 08.10.2009. godine a shodno presudi Kantonalnog suda u Zenici broj: 040-U00322111 od 25. 04. 2011. godine. Za hitnost ovog prijedloga za dopunu dnevnog reda, izvijestio je Vijeće da kraće usmeno obrazloženje može dati i vijećnik Ismet Abdulahović i stanovnik MZ Dabravine.

Vijećnik Jasmin Salketić u ime Kluba SDA podržao je prijedlog za dopunu dnevnog reda Kluba BPS.

Nije bilo rasprave o predloženom prijedlogu Kluba BPS i predsjedavajući OV stavio je na izjašnjanje predloženi prijedlog za dopunu dnevnog reda.

Nakon izjašnjanja vijećnika, predsjedavajući OV je konstatovao da prijedlog za dopunu dnevnog reda sa tačkom 2. Prijedlog Odluke o poništavanju Odluke broj: 01-217/09 od 08.10.2009. godine sa **9 glasova „ZA“, 4 glasa „PROTIV“ i 4 „SUZDRŽANA“ glasa nije usvojen.**

Predsjedavajući OV dao je pauzu od 5 minuta na zahtjev Kluba BPS.

Nakon pauze predsjedavajući OV stavio je na izjašnjanje prijedlog dnevnog reda iz poziva za 30. sjednicu OV sa dopunom i to:

- 1. Prijedlog Odluke o dopuni Odluke o stavljanju van snage Odluke o osnivanju Zajedničkog općinskog pravobranilaštva.**
- 2. Prijedlog Odluke o usvajanju plana parcelacije gradskog građevinskog zemljišta.**
- 3. Prijedlog Odluke o nerazvrstanim cestama.**
- 4. Prijedlog Odluke o dopunama Odluke o standardima komunalnih usluga.**
- 5. Prijedlog Rješenja o imenovanju Stručne komisije za procjenu prometa vrijednosti nekretnina.**
- 6. Izvještaj o poslovanju JP Veterinarska stanica d.o.o. Vareš za 2010. godinu.**
- 7. Izvještaj o radu JU Centar za socijalni rad Vareš za 2010. godinu.**
- 8. Izvještaj o radu JU Opća biblioteka Vareš za 2010. godinu.**
- 9. Izvještaj o radu JPU „Dječiji vrtić“ Vareš za 2010. godinu.**
- 10. Izvještaj o radu JU Centar za kulturu i edukaciju Vareš za 2010. godinu.**
- 11. Informacija o realizovanim projektima NVO sektora i saradnji sa javnim sektorima na području općine Vareš.**
- 12. Izvještaj o stanju kulturno-historijskih spomenika i spomen obilježja iz rata, na području općine Vareš.**
- 13. Izvještaj o aktivnosti i radu Foruma o sigurnosti u zajednici u općini Vareš u 2010. godini.**
- 14. Tekuća pitanja**

Nakon izjašnjanja vijećnika predsjedavajući OV konstatuje da sa **8 glasova „ZA“ i 9 glasova „PROTIV“ nije usvojen Dnevni red za 30. sjednicu OV** i predsjedavajući OV je u skladu sa Poslovníkom o radu Općinskog vijeća Vareš, konstatovao da se nisu stekli potrebni uslovi za nastavak sjednice, jer predloženi dnevni red nije usvojen.

Rad današnje sjednice zaključen je u 09 sati i 40 minuta.

NASTAVAK 30. SJEDNICE OPĆINSKOG VIJEĆA
ODRŽANE 28.07. 2011. GODINE

Nastavak 30. sjednice Općinskog vijeća Vareš, otvorio je predsjedavajući OV s početkom u 9 sati i 15 minuta.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Jelena Kuhač Odenwald, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutni: Nema.

Pored vijećnika sjednici prisustvuju: Općinski načelnik Hamdo Fatić, sekretar Općinskog vijeća Leon Pavlović, pomoćnici općinskog načelnika, zamjenica općinskog pravobranioca Elma Brčić, predsjednici političkih stranaka, ispred JP Veterinarska stanica d.o.o. Vareš direktor Suljo Abadžija i predsjednica Skupštine Jadranka Radoš, direktorica JU Opća biblioteka Vareš Jasmina Šijak, ispred Centra za socijalni rad Vareš direktorica Nihada Gondžo i Čabrajčić Hrvoje, direktor JU Centar za kulturu i edukaciju Vareš Sead Parić, ispred Službe za privredu i finansije Dragan Orozović, poslanik u Skupštini ZDK Fahrudin Brkić, predstavnik OSCE-a Terenski ured Zenica Dragan Vuković i predsjednik MZ Vareš Enver Fetišević.

Na raspravu je stavljen prijedlog dnevnog reda iz poziva za nastavak 30. sjednice OV.

Općinski načelnik Hamdo Fatić predložio je dopunu dnevnog reda za nastavak 30. sjednice OV sa tačkom „Prijedlog Odluke o kreditnom zaduženju Općine Vareš“ o čemu je dao i usmeno obrazloženje.

Otvorena je rasprava o prijedlogu Općinskog načelnika za dopunu dnevnog reda, u kojoj su svoje prijedloge, primjedbe i sugestije iznijeli vijećnici: Dženana Bešić, Ivan Lučić, Elvir Rožajac, Džemo Kevrić, Jasmin Salketić, Željko Matić, predsjedavajući OV Josip Malbašić, sekretar OV Leon Pavlović, predsjednik SDA Vareš Numanović Sadudin i Općinski načelnik Hamdo Fatić koji se na kraju izjasnio da povlači svoj prijedlog za dopunu dnevnog reda nastavka 30. sjednice OV.

Vijećnica Jelena Kuhač Odenwald predložila je dopunu dnevnog za nastavak 30. sjednice OV sa tačkom „Razmatranje mogućnosti donošenja Odluke kojom bi se obavezao ŠPD Zavidovići za uplatu akontacije Mjesnim zajednicama općine Vareš za održavanje puteva, prije ulaska na prostore pojedine Mjesne zajednice“, o čemu je dala i usmeno obrazloženje.

Otvorena je rasprava o prijedlogu vijećnice Jelene Kuhač Odenwald za dopunu dnevnog reda, u kojoj su svoje prijedloge, primjedbe i sugestije iznijeli vijećnici: Ivan Lučić i Dženana Bešić.

Zaključena je rasprava i predsjedavajući OV stavio je na izjašnjavaње prijedlog za dopunu dnevnog reda vijećnice Jelene Kuhač Odenwald.

Nakon izjašnjavaња vijećnika, predsjedavajući OV je konstatovao da sa **1 glasom „ZA“, 13 glasova „PROTIV“ i 5 „SUZDRŽANIH“** glasova, predloženi prijedlog **nije usvojen**.

Vijećnik Jasmin Salketić izjasnio se u svoje lično ime i u ime vijećnika Kenana Kamenjaša u vezi izjašnjavaња o dnevnom redu današnje sjednice. O razlozima je upoznao Općinsko vijeće.

Nije više bilo prijedloga za dopunu dnevnog reda nastavka 30. sjednice OV i predsjedavajući OV stavio je na izjašnjavaње prijedlog dnevnog reda nastavka 30. sjednice

Nakon izjašnjavaња vijećnika, predsjedavajući OV je konstatovao da je sa **16 glasova „ZA“, 1 glasom „PROTIV“ i 3 „SUZDRŽANA“** glasa usvojen s l i j e d e ć i

Dnevni red

- 1. Prijedlog Odluke o dopuni Odluke o stavljanju van snage Odluke o osnivanju Zajedničkog pravobranilaštva.**
- 2. Prijedlog Odluke o usvajanju plana parcelacije gradskog građevinskog zemljišta.**
- 3. Nacrt Odluke o nerazvrstanim cestama.**
- 4. Nacrt Odluke o dopunama Odluke o standardima komunalnih usluga.**
- 5. Prijedlog Rješenja o imenovanju Stručne komisije za procjenu prometa vrijednosti nekretnina.**

6. Prijedlog Rješenja o preuzimanju neizgrađenog građevinskog zemljišta od «Autotrans» d.d. Vareš u korist Općine Vareš na lokalitetu Ponikve
7. Prijedlog Rješenja kojim se utvrđuje da je od javnog interesa izgradnja dalekovoda mjesto Križ, općina Vareš.
8. Prijedlog Rješenja kojim se utvrđuje da je od javnog interesa rekonstrukcija dijela dalekovoda na području Pogar-Duboštica, općina Vareš.
9. Prijedlog Programa utroška sredstava sa kriterijima raspodjele sredstava «Subvencije za razvoj poljoprivrede» utvrđenih budžetom Općine Vareš za 2011. godinu
10. Prijedlog Zaključka o prihvatanju Rezolucije Evropskog parlamenta o Srebrenici.
11. Izvještaj o poslovanju JP Veterinarska stanica d.o.o. Vareš za 2010. godinu
12. Izvještaj o radu JU Centar za socijalni rad Vareš za 2010. godinu.
13. Izvještaj o radu JU Opća biblioteka Vareš za 2010. godinu.
14. Izvještaj o radu JU Centar za kulturu i edukaciju Vareš za 2010. godinu.
15. Informacija o realizovanim projektima NVO sektora i saradnji sa javnim sektorima na području općine Vareš.
16. Izvještaj o stanju kulturno-historijskih spomenika i spomen obilježja iz rata, na području općine Vareš.
17. Izvještaj o aktivnosti i radu Foruma o sigurnosti u zajednici u općini Vareš u 2010. godini.
18. Informacija o nivou zaštite RVI, porodica poginulih boraca/branitelja na području općine Vareš
19. Informacija o nivou zaštite demobilisanih boraca/branitelja i članova njihovih porodica na području općine Vareš
20. Tekuća pitanja

Ad. 1.

(Prijedlog Odluke o dopuni Odluke o stavljanju van snage Odluke o osnivanju Zajedničkog općinskog pravobranilaštva.)

Predlagač nije imao potrebu za dodatnim obrazloženjem.

Nije bilo rasprave po ovoj tački dnevnog reda, i predsjedavajući OV stavio je na izjašnjavaње Prijedlog Odluke o dopuni Odluke o stavljanju van snage Odluke o osnivanju Zajedničkog općinskog pravobranilaštva.

Nakon izjašnjavaња vijećnika, predsjedavajući OV je konstatovao da je sa **17 glasova „ZA“ i 1 „SUZDRŽANIM“** glasom **usvojena**

Odluka o dopuni Odluke o stavljanju van snage Odluke o osnivanju Zajedničkog općinskog pravobranilaštva.

Ad. 2.

(Prijedlog Odluke o usvajanju plana parcelacije gradskog građevinskog zemljišta.)

Komisija za statutarna pitanja i propise, na sjednici održanoj 21.06.2011. godine, jednoglasno je zaključila da nema primjedbi na Prijedlog Odluke o usvajanju plana parcelacije gradskog građevinskog zemljišta.

Predlagač nije imao potrebu za dodatnim obrazloženjem.

Nije bilo rasprave po ovoj tački dnevnog reda, i predsjedavajući OV stavio je na izjašnjavaње Prijedlog Odluke o usvajanju plana parcelacije gradskog građevinskog zemljišta.

Nakon izjašnjavaња vijećnika, predsjedavajući OV je konstatovao da je sa **18 glasova „ZA“ i 1 „SUZDRŽANIM“** glasom **usvojena**

Odluka o usvajanju plana parcelacije gradskog građevinskog zemljišta.

Ad. 3.

(Nacrt Odluke o nerazvrstanim cestama.)

Komisija za statutarna pitanja i propise, na sjednici održanoj 21.06.2011. godine, jednoglasno je zaključila da nema primjedbi, ali predlaže da se Prijedlog Odluke o nerazvrstanim cestama na sjednici Općinskog vijeća razmatra u formi Nacrta.

Predlagač nije imao potrebu za dodatnim obrazloženjem.

Otvorena je rasprava u kojoj su svoje prijedloge, primjedbe i sugestije iznijeli vijećnici: Ivan Lučić, Dženana Bešić i Džemo Kevrić, predsjedavajući OV Josip Malbašić i Ermin Musa kao predstavnik predlagača.

Vijećnik Ivan Lučić, ispred Kluba vijećnika SDP, na Nacrt Odluke o nerazvrstanim cestama, predložio je slijedeće **amandmane**:

- u članu 6. stav 1. brisati , stav 2. ostaje isti, da se doda novi stav 3. koji bi glasio:

„Radovi redovnog održavanja nerazvrstanih cesta izvode se na osnovu godišnjeg Programa održavanja.

Program, na prijedlog Općinskog načelnika, za narednu godinu do kraja tekuće godine usvaja Općinsko vijeće.“

- Član 8. da glasi:

„Poslove redovnog održavanja nerazvrstanih cesta obavlja JKP d.o.o. Vareš na osnovu godišnjeg ugovora o održavanju u skladu sa Programom održavanja.

Ugovor o održavanju za narednu godinu sklapa Općinski načelnik do kraja tekuće godine.

Poslove vanrednog održavanja nerazvrstanih cesta obavlja JKP d.o.o. Vareš na osnovu pojedinačnih narudžbi izdatih od Općinskog načelnika.“

- u članu 26. stav 1. ostaje isti, da se doda novi stav 2. koji bi glasio:

„U slučaju usmene naredbe građevinsko-komunalnog inspektora, za uklanjanje nedostataka isti je dužan izdati i pismenu naredbu u roku od 24 sata, ukoliko nedostaci nisu uklonjeni.“

Ispred predlagača, Ermin Musa izjasnio se da prihvata predložene amandmane Kluba vijećnika SDP i pozvao sve ostale koji imaju primjedbe, prijedloge i sugestije na Nacrt Odluke o nerazvrstanim

cestama da ih dostave, kako bi se oni razmatrali i uvrstili u prijedlog Odluke koji će se dostaviti Općinskom vijeću na razmatranje.

Zaključena je rasprava i predsjedavajući OV je konstatovao da je predlagatelj prihvatio predložene amandmane, čime oni postaju sastavni dio Nacrta Odluke o nerazvrstanim cestama.

Predsjedavajući OV stavio je na izjašnjavaње Nacrta Odluke o nerazvrstanim cestama, sa prihvaćenim amandmanima.

Nakon izjašnjavaња vijećnika predsjedavajući OV je konstatovao da je sa **18 glasova „ZA“ usvojen**

Nacrt Odluke o nerazvrstanim cestama.

Predsjedavajući OV predao je vođenje sjednice zamjeniku predsjedavajućeg OV Milanu Knežević.

Ad. 4.

*(Nacrt Odluke o dopunama Odluke
o standardima komunalnih usluga.)*

Komisija za statutarna pitanja i propise, na sjednici održanoj 21.06.2011. godine, jednoglasno je zaključila da nema primjedbi, ali predlaže da se Prijedlog Odluke o dopunama Odluke o standardima komunalnih usluga na sjednici Općinskog vijeća razmatra u formi Nacrta.

Predlagatelj nije imao potrebe za dodatnim obrazloženjem.

Otvorena je rasprava u kojoj su svoje primjedbe, prijedloge i sugestije iznijeli vijećnici: Ivan Lučić i Elvir Rožajac, Ermin Musa ispred predlagatelja, koji je odgovorio na neka pitanja vijećnika postavljena u raspravi u vezi sankcija za neizvršavanje određenih radnji i statusa javnog WC-a na pijaci.

Vijećnik Ivan Lučić ispred Kluba SDP, na Nacrt Odluke o dopunama Odluke o standardima komunalnih usluga, predložio je slijedeće **amandmane**:

- **da se u članu 2. doda zadnji stav koji bi glasio: „- četka za čišćenje dimnjaka mora biti promjera najmanje koliki je otvor na dimnjaku koji se čisti.“**
- **da se u poglavlju vezanom za održavanje javnih česma i fontana doda javna česma na pijaci.**

Ermin Musa ispred predlagatelja, izjasnio se da prihvata predložene amandmane Kluba vijećnika SDP.

Zamjenik predsjedavajućeg OV predložio je prijedlog

Zaključka:

- **Zadužuje se nadležna Služba, da obavi javnu raspravu u vezi Nacrta Odluke o nerazvrstanim cestama i Nacrta Odluke o dopunama Odluke o standardima komunalnih usluga, te pripremi Prijedlog Odluka do naredne sjednice OV, koja će se održati u septembru mjesecu tekuće godine.**

Zaključena je rasprava i zamjenik predsjedavajućeg OV je konstatovao da je predlagatelj prihvatio predložene amandmane, čime oni postaju sastavni dio Nacrta Odluke o dopunama Odluke o standardima komunalnih usluga.

Zamjenik predsjedavajućeg OV, stavio je na izjašnjavaње Nacrta Odluke o dopunama Odluke o standardima komunalnih usluga sa prihvaćenim amandmanima i prijedlogom Zaključka.

Nakon izjašnjavaња vijećnika zamjenik predsjedavajućeg OV konstatuje da je sa **17 glasova „ZA“ i 1 „SUZDRŽANIM“ glasom usvojen Zaključak i**

*Nacrt Odluke o dopunama Odluke
o standardima komunalnih usluga.*

Zamjenik predsjedavajućeg OV predao je vođenje sjednice predsjedavajućem OV.

Ad. 5.

(Prijedlog Rješenja o imenovanju Stručne komisije za procjenu prometa vrijednosti nekretnina.)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV, stavio je na izjašnjavanje Prijedlog Rješenja o imenovanju Stručne komisije za procjenu prometa vrijednosti nekretnina.

Nakon izjašnjavanja vijećnika predsjedavajući OV je konstatovao da je sa **18 glasova „ZA“ usvojeno**

Rješenje o imenovanju Stručne komisije za procjenu prometa vrijednosti nekretnina.

Ad. 6.

(Prijedlog Rješenja o preuzimanju neizgrađenog građevinskog zemljišta od „Autotrans“ d.d. Vareš u korist Općine Vareš na lokalitetu Ponikve.)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV, stavio je na izjašnjavanje Prijedlog Rješenja o preuzimanju neizgrađenog građevinskog zemljišta od „Autotrans“ d.d. Vareš u korist Općine Vareš na lokalitetu Ponikve.

Nakon izjašnjavanja vijećnika predsjedavajući OV je konstatovao da je sa **18 glasova „ZA“ i 1 „SUZDRŽANIM“ glasom usvojeno**

Rješenje o preuzimanju neizgrađenog građevinskog zemljišta od „Autotrans“ d.d. Vareš u korist Općine Vareš na lokalitetu Ponikve.

Ad. 7.

(Prijedlog Rješenja kojim se utvrđuje da je od javnog interesa izgradnja dalekovoda mjesto Križ, općina Vareš.)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV, stavio je na izjašnjavanje Prijedlog Rješenja kojim se utvrđuje da je od javnog interesa izgradnja dalekovoda mjesto Križ, općina Vareš.

Nakon izjašnjavanja vijećnika predsjedavajući OV je konstatovao da je sa **18 glasova „ZA“ i 1 „SUZDRŽANIM“ glasom usvojeno**

Rješenje kojim se utvrđuje da je od javnog interesa izgradnja dalekovoda mjesto Križ, općina Vareš.

Ad. 8.

(Prijedlog Rješenja kojim se utvrđuje da je od javnog interesa rekonstrukcija dijela dalekovoda na području Pogar-Duboštica, općina Vareš.)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV, stavio je na izjašnjanje Prijedlog Rješenja kojim se utvrđuje da je od javnog interesa rekonstrukcija dijela dalekovoda na području Pogar-Duboštica, općina Vareš.

Nakon izjašnjanja vijećnika predsjedavajući OV je konstatovao da je sa **18 glasova „ZA“ i 1 „SUZDRŽANIM“ glasom usvojeno**

Rješenje koji se utvrđuje da je od javnog interesa rekonstrukcija dijela dalekovoda na području Pogar-Duboštica, općina Vareš.

Ad. 9.

(Prijedlog Programa utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2011. godinu.)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV, stavio je na izjašnjanje Prijedlog Programa utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2011. godinu.

Nakon izjašnjanja vijećnika predsjedavajući OV je konstatovao da je sa **17 glasova „ZA“, 1 glasom „PROTIV“ i 1 „SUZDRŽANIM“ glasom usvojen**

Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2011. godinu.

Ad. 10.

(Prijedlog Zaključka o prihvatanju Rezolucije Evropskog parlamenta o Srebrenici.)

Nije bilo rasprave po ovoj tački dnevnog reda i predsjedavajući OV, stavio je na izjašnjanje Prijedlog Zaključka o prihvatanju Rezolucije Evropskog parlamenta o Srebrenici.

Nakon izjašnjanja vijećnika predsjedavajući OV je konstatovao da je sa **19 glasova „ZA“, jednoglasno usvojen**

Zaključak o prihvatanju Rezolucije Evropskog parlamenta o Srebrenici.

Predsjedavajući OV dao je pauzu od 30 minuta na zahtjev Kluba SDA.

Ad. 11.

*(Izveštaj o poslovanju JP Veterinarska stanica
d.o.o. Vareš za 2010. godinu.)*

Predlagač nije imao potrebe za dodatnim obrazloženjem.

Nije bilo rasprave po ovoj tački dnevnog reda i predsjedavajući OV, stavio je na izjašnjanje Izveštaj o poslovanju JP Veterinarska stanica d.o.o. Vareš za 2010. godinu..

Nakon izjašnjanja vijećnika predsjedavajući OV je konstatovao da je sa **19 glasova „ZA“**, **jednoglasno usvojen**

***Izveštaj o poslovanju JP Veterinarska
stanica d.o.o. Vareš za 2010. godinu.***

Ad. 12.

*(Izveštaj o radu JU Centar za socijalni
rad Vareš za 2010. godinu.)*

Predlagač nije imao potrebe za dodatnim obrazloženjem.

Nije bilo rasprave po ovoj tački dnevnog reda i predsjedavajući OV, stavio je na izjašnjanje Izveštaj o radu JU Centar za socijalni rad Vareš za 2010. godinu.

Nakon izjašnjanja vijećnika predsjedavajući OV je konstatovao da je sa **18 glasova „ZA“ i 1 SUZDRŽANIM“ glasom, usvojen**

***Izveštaj o poslovanju JP Veterinarska
stanica d.o.o. Vareš za 2010. godinu.***

Ad. 13.

(Izveštaj oradu JU Opća biblioteka Vareš za 2010. godinu.)

Predsjedavajući OV je konstatovao da na sjednici Vijeća nije prisutan ovlašteni predstavnik ove tačke dnevnog reda i u skladu sa Zaključkom OV da se ne vrši rasprava o Izveštajima ako nije prisutan predlagač, predložio je

Prijedlog:

- **da se o ovoj tački ne vodi rasprava dok se ne kontaktira predlagač i da se o ovoj tački raspravlja kad ovlašteni predlagač bude prisutan na sjednici OV.**

Nakon izjašnjanja vijećnika, predsjedavajući OV je konstatovao da je sa **18 glasova „ZA“ i 1 „SUZDRŽANIM“ glasom** predloženi prijedlog **usvojen.**

Ad. 14.

*(Izveštaj o radu JU Centar za
kulturu i edukaciju Vareš za 2010. godinu.)*

Predlagač nije imao potrebe za dodatnim obrazloženjem.

Otvorena je rasprava u kojoj su svoje prijedloge, primjedbe i sugestije iznijeli vijećnici: Elvir Rožajac i Milan Knežević, predsjedavajući OV Josip Malbašić, Općinski načelnik Hamdo Fatić i pomoćnik Općinskog načelnika za društvene djelatnosti i BIZ Rusmir Berberović.

Predsjedavajući OV, na osnovu prijedloga iznesenog u raspravi od strane vijećnika Milana Knežević predložio je slijedeći

Zaključak:

- Obavezuje se Općinski načelnik da u roku od dva (2) mjeseca pripremi Elaborat sa prijedlogom mjera kako bi se poslovanje javnog subjekta, JU Centar za kulturu i edukaciju Vareš, dovelo u zakonite okvire.

Nakon izjašnjavanja vijećnika predsjedavajući OV je konstatovao da je sa **18 glasova „ZA“**, usvojen **Zaključak i**

Izveštaj o radu JU Centar za kulturu i edukaciju Vareš za 2010. godinu.

Ad. 13.

(Izveštaj oradu JU Opća biblioteka Vareš za 2010. godinu.)

Predsjedavajući OV je konstatovao da je u međuvremenu stigao na sjednicu ovlašteni predlagač, direktorica Jasmina Šijak, i da se rasprava može voditi po ovoj tački dnevnog reda.

Direktorica Jasmina Šijak je u svom obraćanju, u ime JU Opća biblioteka Vareš i u ime zaposlene radnice Amerite Likić, zahvalila se svima onima koji su učestvovali u iznalaženju sredstava za liječenje Amerite Likić.

Podsjetila je na problem u vezi prostora za stalni smještaj JU Opće biblioteka Vareš.

Nije bilo rasprave po ovoj tački dnevnog reda i predsjedavajući OV predložio je Vijeću da usvoji Izveštaj o radu JU Opća biblioteka Vareš za 2010. godinu uz

Zaključak:

- **Obavezuje se Općinski načelnik da nastavi aktivnosti na iznalaženju stalnog prostora za smještaj JU Opća biblioteka Vareš.** – Napomena: Ovo je stalna zadaća Općinskog načelnika dok se ne riješi ovaj problem.

Nakon izjašnjavanja vijećnika, predsjedavajući OV je konstatovao da je sa **19 glasova „ZA“**, **jednoglasno usvojen Zaključak i**

Izveštaj o radu JU Opća biblioteka Vareš za 2010. godinu.

Ad. 15.

(Informacija o realizovanim projektima NVO sektora i saradnji sa javnim sektorima na području općine Vareš.)

Nije bilo rasprave po ovoj tački dnevnog reda i predsjedavajući OV, stavio je na izjašnjavanje Informaciju o realizovanim projektima NVO sektora i saradnji sa javnim sektorima na području općine Vareš.

Nakon izjašnjavanja vijećnika predsjedavajući OV je konstatovao da je sa **18 glasova „ZA“ i 1 SUZDRŽANIM“ glasom, usvojena**

Informacija o realizovanim projektima NVO sektora i saradnji sa javnim sektorima na području općine Vareš.

Ad. 16.

(Informacija o stanju kulturno-historijskih spomenika i spomen obilježja iz rata, na području općine Vareš.)

Otvorena je rasprava u kojoj su svoje prijedloge, primjedbe i sugestije iznijeli vijećnici: Elvir Rožajac, Tajiba Brkić, Milan Knežević, Džemo Kevrić, predsjedavajući OV Josip Malbašić i pomoćnik Općinskog načelnika načelnika za društvene djelatnosti i BIZ Rusmir Berberović.

Predsjedavajući OV predložio je prijedlog

Zaključka:

- **Obavezuje se nadležna Služba da pripremi Program sanacije, zaštite i održavanja spomen obilježja u okviru raspoloživih sredstava iz općinskog proračuna, predviđenih za tu namjenu, sa prijedlogom koje bi institucije bile uključene u daljnja održavanja ovih spomen obilježja.**

Predsjedavajući OV stavio je na izjašnjavanje Informaciju o stanju kulturno-historijskih spomenika i spomen obilježja iz rata, na području općine Vareš i prijedlog Zaključka.

Nakon izjašnjavanja vijećnika predsjedavajući OV je konstatovao da je sa **17 glasova „ZA“ i 1 SUZDRŽANIM“ glasom, usvojen Zaključak i**

Informacija o stanju kulturno-historijskih spomenika i spomen obilježja iz rata na području općine Vareš.

Ad. 17.

(Izveštaj o aktivnosti i radu Foruma o sigurnosti u zajednici u općini Vareš u 2010. godini.)

Nije bilo rasprave po ovoj tački dnevnog reda i predsjedavajući OV, stavio je na izjašnjavanje Izveštaj o aktivnosti i radu Foruma o sigurnosti u zajednici u općini Vareš u 2010. godini.

Nakon izjašnjavanja vijećnika predsjedavajući OV je konstatovao da je sa **14 glasova „ZA“, usvojen**

Izveštaj o aktivnosti i radu Foruma o sigurnosti u zajednici u općini Vareš u 2010. godini.

Ad. 18.

(Informacija o nivou zaštite RVI, porodica poginulih boraca/branitelja na području općine Vareš.)

Nije bilo rasprave po ovoj tački dnevnog reda i predsjedavajući OV, stavio je na izjašnjavanje Informaciju o nivou zaštite RVI, poginulih boraca/branitelja na području općine Vareš.

Nakon izjašnjavanja vijećnika predsjedavajući OV je konstatovao da je sa **14 glasova „ZA“ i 1 „SUZDRŽANIM“ glasom usvojena**

Informacija o nivou zaštite RVI, porodica poginulih boraca/branitelja na području općine Vareš.

Ad. 19.

(Informacija o nivou zaštite demobiliziranih boraca/branitelja i članova njihovih porodica na području općine Vareš.)

Otvorena je rasprava u kojoj je učestvovao vijećnik Elvir Rožajac.

Predsjedavajući OV stavio je na izjašnjanje Informaciju o nivou zaštite demobiliziranih boraca/branitelja i članova njihovih porodica na području općine Vareš.

Nakon izjašnjanja vijećnika predsjedavajući OV je konstatovao da je sa **15 glasova „ZA“**, **usvojena**

Informacija o nivou zaštite demobiliziranih boraca/branitelja i članova njihovih obitelji na području općine Vareš.

Ad. 20.

(Tekuća pitanja.)

1. Predsjedavajući OV upoznao je prisutne da je Općinskom vijeću upućen dopis od strane Kolović Bogomira selo Samari, općina Vareš u vezi elektrifikacije sela Samari, odnosno objekta u kojem on boravi. Sa sadržajem dopisa upoznato je Vijeće. Ermin Musa pomoćnik načelnika za prostorno uređenje i obnovu, izvijestio je Vijeće da je Služba za prostorno uređenje i obnovu dobila spomenuti dopis i da je prosljeđen nadležnoj Elektrodistribuciji Zenica i da je zatraženo pismeno očitovanje po istom, koje još nije dostavljeno, a u usmenom razgovoru sa predstavnikom Elektrodistribucije Vareš, Služba je upoznata da je upućen zahtjev Elektrodistribuciji Zenica za otvaranje radnog naloga i nakon otvaranja radnog naloga, radovi na elektrifikaciji bi trebali početi. Predsjedavajući OV predložio je slijedeći

Zaključak:

Obavezuje se Općinski načelnik da zatraži pismeno očitovanje od Elektrodistribucije i da insistira da se do kraja 2011. godine realizira započeti projekat u vezi elektrifikacije u selu Samari, općina Vareš, a time i objekat Kolović Bogomira.

Predsjedavajući OV stavio je na izjašnjanje predloženi Zaključak i nakon izjašnjanja vijećnika konstatovao je da je sa **18 glasova „ZA“**, predloženi Zaključak **jednoglasno usvojen.**

2. Predsjedavajući OV upoznao je prisutne da je Vijeću upućen zahtjev za rješavanje problema ulične rasvjete ulice Selište, od strane građana ulice Selište Vareš. Zahtjev je dostavljen i Općinskom načelniku. Općinski načelnik u svom obraćanju zamolio je građane ulice Selište za još malo strpljenja i izvijestio je Vijeće da je projekat urađen, specifikacija je dobivena i nada se da će u narednih 15 dana, Općina Vareš obezbijediti sredstva za kupovinu rasvjetnih mjesta kako bi se završili radovi na elektrifikaciji ulice Selište. Napomenuo je da je u toku i elektrifikacija ulice Pruga Vareš, i da je glavni razlog, zbog kojeg do sada nije završena elektrifikacija ulice Selište, taj što Općina Vareš nije imala novčana sredstva.
3. Predsjedavajući OV upoznao je prisutne da je Vijeću, od strane vlasnika kafića „HB“ Elvire Karić i vlasnika kafića „MM“ Muftić Kabira, upućen zahtjev za kontrolisanje saobraćaja na lokaciji Čaršija-Zelena pijaca zbog neodgovornih pojedinaca koji svojim motornim vozilima i motorima zbog neprilagođene brzine krše javni red i mir. Općinski načelnik je izvijestio Vijeće da je dopis upućen u Policijsku upravu Vareš.

Predsjedavajući OV je predložio slijedeći

Zaključak:

Obavezuje se Općinski načelnik da obnovi kontakt sa PU Vareš i da na narednoj sjednici OV, Vijeće informiše o tome što je poduzeto u vezi zahtjeva vlasnika kafića „HB“ i „MM“, koji se odnosi na pojačano kontrolisanje saobraćaja u ul. Čaršija Vareš.

Predsjedavajući OV stavio je predloženi zaključak na izjašnjavanje i nakon izjašnjavanja vijećnika konstatovao je da je predloženi zaključak **jednoglasno usvojen**.

4. Vijećnica Jelena Zlobec izvijestila je Vijeće da je zamoljena od grupe građana sa Selišta, općina Vareš, da obavijesti Vijeće da je jučer isključena voda mnogim domaćinstvima na Selištu, zbog dugovanja prema JKP d.o.o. Vareš. Po tvrdnjama građana, radi se o domaćinstvima u kojima nitko nije zaposlen.

U vezi toga, vijećnica Jelena Zlobec, postavila je pitanje Općinskom načelniku „Je li moguće da se isključuje voda porodicama u kojima nitko nije zaposlen?“ Traži od Općinskog načelnika da se to pitanje razjasni. Napominje da je ona za plaćanje vode, ali da se mora napraviti Socijalna karta.

Otvorena je rasprava u kojoj su svoje prijedloge, primjedbe i sugestije iznijeli vijećnici: Ivan Lučić, Jelena Zlobec, Elvir Rožajac i Dženana Bešić, Općinski načelnik Hamdo Fatić, predsjedavajući OV Josip Malbašić, predsjednik SDA Vareš Sadudin Numanović i pomoćnik Općinskog načelnika Rusmir Berberović.

Predsjedavajući OV predložio je slijedeće:

Zaključke:

- **Obavezuje se Općinski načelnik da izvrši provjeru i ukoliko postoji opravdanost, pokuša posredovati kod menadžmenta JKP d.o.o. Vareš i dogovoriti protokol u daljnjem plaćanju računa za vodu, a da se građanima kojima je isključena voda, ponovo pusti na korištenje.**
- **Zadužuje se Općinski načelnik i nadležna Služba da Općinskom vijeću do početka priprema za utvrđivanje Proračuna Općine Vareš za narednu godinu (2012. godinu), pripremi i razradi provođenje člana 85. stav 2. Odluke o vodovodu i kanalizaciji.**

Predsjedavajući OV stavio je na izjašnjavanje predložene zaključke i nakon izjašnjavanja vijećnika konstatovao je da su predloženi zaključci **jednoglasno usvojeni**.

5. Vijećnica Tajiba Brkić u svoje lično ime čestitala je svim bošnjacima nastupajuće Ramazanske dane.
6. Vijećnik Mato Pavić podsjetio je Vijeće da je nekoliko puta iznosio problematiku u vezi regionalnog puta. Općinski načelnik je upoznat da je poslije asfaltiranja regionalnog puta došlo do propadanja asfalta. Ranije je tražio da se uputi dopis nadležnim institucijama, što je i učinjeno, ali napominje da Vijeće nikad nije dobilo informaciju o tome što je tačno urađeno i u vezi toga traži od Općinskog načelnika da se očituje o tome koje on informacije ima i što se poduzelo po tom pitanju.

Također je podsjetio na problem dionice puta kod Šiminog potoka. (prvenstvo prolaza).

Općinski načelnik Hamdo Fatić dao je usmeni odgovor da se mora postaviti saobraćajni znak obaveznog zaustavljanja, na ulazu sa Zvijezde na raskršće i da će to biti urađeno preko nadležnih u kantonu ili od strane Općine Vareš. U vezi oštećenja na postojećem regionalnom putu, dionica blizu Šiminog potoka, Općinski načelnik je izvijestio Vijeće da je ugovor potpisan (450.000 KM) i on ide paralelno sa Očevijom. Izvođač radova je firma „Krivaja-gradnja“. Nadležno kantonalno ministarstvo i nadzorni organ su obaviješteni i u sklopu asfaltiranja doći će i do sanacije oštećenja na dijelu puta koji je rađen prošle godine.

Vijećnik Ivan Lučić podsjetio je na Zaključke vijeća kojima je predviđeno da Komisija utvrdi sve nedostatke na cestama u gradu i ostalim cestama i da se o tome izvijeste nadležni u kantonu. Apelira da se ponovo uputi dopis nadležnim u kantonu i da se aktualizira ranije doneseni zaključak OV u vezi ovog problema

Predsjedavajući OV, na osnovu rasprave, predložio je slijedeće

Zaključke:

- **Zadužuje se Općinski načelnik da realizira Zaključak Vijeća sa ranijih sjednica, kojim je predviđeno da se komisijski utvrde nedostaci u prometnoj signalizaciji na području regionalnog puta i ostalih puteva na području općine Vareš.**
- **Zadužuje se Općinski načelnik da ponovo uputi pismeni zahtjev nadležnom Ministarstvu za intervencije za dionicu puta, Vareš-Šimin potok-Ivančevo, koja je pod garancijom.**

Predsjedavajući OV stavio je predložene zaključke na izjašnjavanje i nakon izjašnjavanja vijećnik je konstatovao da su predloženi zaključci **jednoglasno usvojeni**.

7. Vijećnik Ismet Abdulahović u svom izlaganju o aktuelnoj situaciji u MZ Dabravine koja se odnosi na vodu i vodovod, postavio je Općinskom načelniku nekoliko pitanja u kojima traži da mu se odgovori: je li išta poduzeo po pitanju predaje vode Mjesnoj zajednici Dabravine, zašto se ne poštuje presuda Kantonalnog suda od strane Općinskog načelnika i JKP d.o.o Vareš i šta će se uraditi u vezi nastale situacije u MZ Dabravine.

Također je zamolio poslanika Skupštine ZDK Fahrudina Brkića da proslijedi Skupštini ZDK pitanje „Je li moguće da Općina Vareš kao institucija ne poštuje presudu Kantonalnog suda u Zenici?“

Općinski načelnik obratio se Vijeću i u svom obraćanju još jednom je napomenuo da se čeka Odluka Vrhovnog suda. Upoznao je Vijeće da je Općina Vareš od MZ Dabravine zatražila dostavu izvornih podataka, odnosno izvornu anketu koja je sprovedena kod donošenja Odluke Savjeta MZ Dabravine na osnovu koje je Vijeće dalo suglasnost za prenošenje na upravljanje vodovoda JKP d.o.o. Vareš. Također je izvijestio Vijeće da je predmet kompletiran i poslan Ombudsmenu. Nada se brzom odgovoru Vrhovnog suda i da će se slučaj MZ Dabravine u vezi vodovoda završiti na suglasnost svih.

U raspravi su učestvovali vijećnici: Ismet Abdulahović, Ivan Lučić, Elvir Rožajac, Milan Knežević i predsjedavajući OV Josip Malbašić koji je još jednom pozvao sve učesnike u ovome da imaju strpljenja i da se ponašaju sukladno zakonskim okvirima.

8. Vijećnik Željko Matić iznio je problem u vezi prostorija MZ Vijaka i prostorija „Snage“ u MZ Vijaka. Predsjedavajući OV skrenuo je pažnju vijećniku da je taj problem upravna stvar i da je to u nadležnosti Općinskog načelnika, a ne Općinskog vijeća.
9. Rusmir Berberović pomoćnik načelnika za društvene djelatnosti i BIZ prenio je zahtjeve građana u vezi postavljanja „ležećih policajaca“ u gradu, međutim predsjedavajući OV je skrenuo pažnju pomoćniku načelnika da takva pitanja, odnosno zahtjeve građana treba rješavati u organu uprave općine tj. nadležne službe.

Predsjedavajući OV u ime Vijeća i u svoje lično ime, svim vjernicima muslimanima, čestitao je mjesec Ramazan.

Sjednica je završena u 13,00 sati i 55 minuta.

SEKRETAR

Leon Pavlović

PREDSJEDAVALAČI

Josip Malbašić

ZAPISNIČAR

Azra Ibrahimović